



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XVI.

urn:nbn:de:hbz:466:1-15617

C A P V T X V I.

Synopsis.

I. De Conciliis nationalibus. Inquiritur in eorum originem. De variis Diœcesis Imperij occidentalis & orientalis.

II. Earum Diœceseon administratio explicatur. Origo synodorum nationalium tribuenda est legi Impp. Valenii, Gratiani, & Valentiniani. Anianus notatus. Variæ significaciones vocis Diœcesis. Nazaria quid. Eius varia significaciones.

III. Lex illa mirè placuit personis ecclesiasticis; cuius institutio firmata est caro secundo Concilio Constantiopolitanu.

IV. Canon ille antecedit institutionem patriarchatus Constantiopolitanu. In eo autem agitur tantum de Diœcesis Imperij orientalis, nulla prorsus mentione facta Diœceson Occidentis.

V. Occidens jam inde à Constantino habuit sua Concilia nationalia. Probatur de Africa.

VI. Diœcesis Illyriciana confiniebat suam synodum. Idem obinuit in ceteris Diœcesis Occidentis.

I. PRÆTER Concilia provincialia, quæ ex provincia unius Episcopis constabant, alia quoque diu in Gallia perviguerunt, quæ vulgo *Nationalia* vocantur, ex pluribus provinciis conflata. Quippe Ecclesia Gallicana eo jure semper uia est ut in unum corpus congregari posset, quoties agebatur de negotiis ecclesiasticis statum totius regni contingentibus. Neminem adhuc auctorem legi qui horum Conciliorum originem adnotaverit. Ea tamen in antiquis Conciliis & in legibus Imperatorum deprehendere licet, si quis hanc curam suscipere velit. Verum ut id facilius fieri possit, observandum est in antecessum Imperatorem Constantium Imperij sui administrationem partitum esse, sub quatuor Praefectis prætorio, in diversa provincialrum corpora, quæ in legibus vocantur *Diœceses*, id est, administrationes, quæ suberant speciali administrationi Vicarij cuiusdam Praefectorum prætorio, vel Proconsulis, aut aliis magistratus cujus splendida esset administratio. Imperium occidentale comprehendebat septem Diœceses sive regiones. Sub Praefecto nimurum prætorio Galliarum, Diœcesis Gallicana, quæ constabat ex xii. provinciis Galliarum; Diœcesis Britanniarum, ex quinque provinciis; Diœcesis Hispaniarum, ex septem provinciis. Sub Praefecto prætorio Italiae, Diœcesis Africana, ex provinciis sex; Diœcesis Italica, cujus caput erat Mediolanum, ex provinciis septem; Diœcesis Romana, ex decem provinciis. Sub Praefecto prætorio Illyrici, Diœcesis Illyricana, in qua xxi. provinciæ. Imperium vero orientale com-

Tom. II.

prehendebat Diœcesim Thracicam, ex provinciis sex conflaram, in qua Constantinopolis fuit, Diœcesim Ponticam, in qua provinciæ undecim, Diœcesim Asianam, in qua provinciæ totidem, & Diœcesim orientalem, ubi Antiochia, in qua provinciæ quindecim. Quatuor illæ Diœceses parebant Praefecto prætorio Orientis. Diœcesis vero Ägyptiaca, quæ sex provincias complectebatur, suberat Praefecto Augustali. Sed ætate Theodosij senioris hic Imperio adjecta est portio quædam Illyrici; quod ea ratione divisum est in duas Diœceses, in Illyricum videlicet orientale, cujus metropolis Thessalonica, cui contributæ undecim provinciæ, & occidentale, cujus caput fuit Sirmium, in eoque sex provinciæ, sub Praefecto prætorio Italiae; ut patet ex Actis Concilij Aquileiensis.

II. Itaque in unaquaque Diœcesi aderat Vicarius Praefecti prætorio, aut Proconsul, sive alius quispiam magistratus illustris, qui universarum harum provincialrum curam gerebat, & jus apud eas dicebat, juxta mores illarum tempestatum, in publicis earum provincialrum conventibus, agendo conventiones juridicos. Eandem in Ecclesiam consuetudinem invehí concesserunt Imperatores, id est, ut Episcopi conventus provincialrum & universæ Diœceseos agerent, in quibus causas suas finirent. Eam consuetudinem lege sua, qua extat in Codice Theodosiano, firmarunt Impp. Valens, Gratianus, & Valentinianus. In ea lege Concilia unius regionis seu Diœceseos, quæ nunc *Nationalia* vocantur, conceptis verbis fieri jubentur; tametsi interpretatio Aniani, cui perspecta non erat vis vocabuli *Diœcesos*, procul à sententia legis recedat, cum eam coercere voluerit ad synodos ordinarias Episcoporum. Qui mos L. 15. C. Theodos. est canarum civilium, idem in negotiis ecclesiasticis obtinendi sunt; ut si quia sunt ex quibusdam dissensionibus levibusque delictis ad religionis observantiam pertinentia, locis suis & a sue Diœcesos synodis audiantur. Quoniam vero diversitas significationum vocabuli *Diœcesos* lectorem remorari posset, monemus eam appellationem hodie tribui territorio uniuscujusque episcopatus, exemplo canonum Africanorum, qui eo sensu Diœceseos vocem usurpant, qui usus ab iis manavit ad synodos Galliarum & Hispaniarum, usque ad nostram ætatem. At in legibus Codice & Novellis Iustiniani, & in canonibus Græcis, *Diözeses* sive *Diœcesis* semper accipitur pro tractu quodam & diversarum provincialrum collectione; provincia vero, pro collectione plurimorum episcopatum.

In Gg ij

L. 15. C. Theodos.
De Episcopis.
Vide lib. 1. c. 1. §. 14

tegrum autem episcopatus territorium Græci vocant *parochias* sive *paraciam*, quam vocem Dionyſius Exiguus conservavit in sua Canonum versione. Vnde factum ut ea vox, sive *parochia* vitio librariorū, persæpe in canonibus Latinis significet territorium episcopatus; deinde verò prorsus versa est ad significandum id quod nos hodie parochiam vocamus.

III. Lex illa Codicis Theodosiani mirè accepta fuit personis ecclesiasticis; qui existimaretur necessarium in primis esse ut novus canon conderetur, quo institutio hæc singillatim explicaretur. Quamobrem Ecclesiæ corpus in Diœceses distributum est canone secundo Concilij Constantinopolitanæ, quod anno CCCCLXXXI. celebratum est. Hic enim canon supremam integrâ uniuscujusque Diœceseos synodo auctoritatem tribuit regendi & administrandi omnia negotia ecclesiastica provinciarum quæ continebantur in ea Diœcesi, sub gubernatione tamen Primatis sive Exarchi Diœceseos; quemadmodum accuratè explicui in dissertatione de judicis canoniciis Episcoporum, & aliquatenus attigi in capite primo hujus libri.

IV. Sed duo in primis heic observanda sunt quæ nusquam hæc tenus explicavi. Primum enim observandum est canonom illum antecedere institutionem patriarchalis Diœceseos Constantinopolitanæ, quæ septuaginta tantum post annis facta est in Concilio Chalcedonensi. Itaque toto illo septuaginta annorum intervallo tres Diœcesanæ synodi in Oriente erant Occumenici Concilij decreto approbatæ, Thracica scilicet, Pontica, & Asia, quæ nulli Patriarchæ parebant; adeoque non erant synodi patriarchales, sed Diœcesanæ tantum, aut regionales. Nam quoad duas alias Diœceses Imperij orientalis, Ægyptum videlicet, & Orientem propriè dictum, suis illæ Patriarchis suberant, Oriens nimurum Antiocheno, & Ægyptus Alexandrino. Ex observatione ista, cuius integras probationes afferam in dissertatione de patriarchatu Constantinopolitano, pendet alterum caput nostrarum observationum, nempe, canone secundi Concilij de Diœcesibus tantum Imperij orientalis agi, nulla prorsus mentione facta Diœceseon Occidentis: quia cum synodus illa ex solius Orientis Episcopis constaret, noluit condere canones pro gubernatione Ecclesiarum occidentalium. Hinc factum ut Concilia illa Diœcesana non adeo illustria sint in Occidente, eaque deprehendere res sit non minimi laboris. Atque id eò magis observare convenient,

quod eorum institutio non adeo valuit ac in Oriente, ubi unaquæque Diœcesis suum Primatem habebat, sive Exarchum reliquorum Metropolitanorum, qui post editum illum canonem eos propria auctoritate evocare poterat absque speciali permissione Imperatoris, eodem jure quo Patriarchæ convocare poterant Synodos patriarchales.

V. Et in Occidente quidem, jam à Constantino, deprehenduntur Synodi Diœceseon, sive Concilia regionalia. Sed antiqua eorum forma non adeo nota est ac orientalium; si Synodos Africanas excipias, Episcopus enim Carthaginis jure suo convocare poterat cœtum Concilij generalis totius Africæ, quò particulares provinciarum synodi à Primatibus suis congregata legatos mittebant, quod ea de causa Concilij universale dicebatur, ut patet ex capite xix. & xx. canonum Africanorum. Interdum vero Episcopi, præter legatos provinciarum, maiorem Episcoporum partem ad synodum evocabant, prout cauæ gravitas postulabat; ut videre est in epistola Concilij Carthaginensis ad Bonifacium Papam, quæ nomine Episcoporum Africanorum inscripta est: *qui presentes adfuiimus numero CCXVII. ex omni Concilio Africae.*

VI. Ceteræ Occidentis Diœceses eodem modo congregabantur. Sanè ex epistola Damasi ad Synodum Illyricianam, & ex ea quam Synodus Illyriciana scripsit ad Synodum Asiam, quæ extat apud Theodorenum, colligitur Episcopos hujus Diœceseos Illyricane constituisse suam synodum. Praeterea in Concilio Ephesino Africa & Ilyricum distinguntur à Synodo occidentali urbis Romæ. Hispanicas autem provincias ad Concilia nationalia convenire solitas probabant Aæta Concilij primi Toletani, quod anno quadringentesimo celebratum est. Diœcesis Italica, quæ septem provincias complebatur, auctoritati suberat Episcopi Mediolanensis. Diœcesis vero Vrbicaria, quæ ex decem provinciis constabat, ad ordinariam synodum patriarchalem Summi Pontificis pertinebat; ad quam etiam, seculo quinto, pertinebat universa Italia.

CAPVT XVII.

Synopsis.

I. *Agendum nunc de synodis Gallicanis.*

II. *Stante Imperio, Episcopi Galliarum unum synodi corpus coniuebant. Probatur ex Concilio Agripinensi, Arlætensi, & aliis.*

III. *Synodus Galliarum, corpus erat separatum à Romana synodo. Viriusque dignitas per visa est Episcopis Illyrici.*